

音

切

譜

音切譜卷之二十

京山李 元太初

今韻

古未有韻書也。魏左校令李登始撰聲類。晉安復令呂靜因之爲韻集。宮商角徵羽各爲一篇。齊中書郎周顒撰四聲切韻。始有平生去入。梁太子少傅沈約休文氏集諸家之長爲四聲類譜。學者

宗之其他爲韻者若王該音韻段宏韻  
集楊休之韻略李概音韻決疑周研聲  
韻杜素卿韻略李季卿音譜僧靜洪韻  
英無名氏韻集羣玉典韻五音韻纂韻  
鈔爲四聲者若張諒四聲韻林劉善經  
四聲指歸夏侯詠四聲韻略王斌四聲  
論今胥漸滅無存而沈韻獨傳唐孫愐  
增損陸法言之書號爲唐韻而唐人作

詩獨遵沈韻、宋禮部以唐韻試士、而所  
注同用獨用字樣、亦遵沈韻、沈韻不傳、  
唐人長篇短詠之詩、禮部獨用同用之  
目、具見大略、

分韻世稱唐韻、實自陸法言始、隋開皇  
中、法言及儀同三司劉臻、外史顏之推、  
著作郎魏淵、武陽太守盧思道、散騎常  
侍李若、國子博士蕭詒、蜀王諮議參軍

辛德源、吏部侍郎薛道衡等八人同集  
切韻五卷、上平聲二十八、下平聲二十  
九、上聲五十五、去聲六十八、聲三十四、  
共二百六部分爲五卷、唐長孫訥言爲  
之箋注、每字俱因孫炎顧野王之書、詳  
加反切、無直音者、時因沈韻、無所增益、  
唐儀鳳中、多田縣丞郭知元增之、關亮  
薛昫、王仁煦、祝尙邱巖、寶文、裴務齊、陳

道固又增之天寶十載陳州司法孫愐以切韻爲謬略始加刊正別爲唐韻宋景德中陳彭年邱雍等奉詔重修至大中祥符元年書成賜名廣韻世亦稱唐韻然與唐韻實有參差王伯厚謂廣韻全非唐韻之舊也景祐中詔命宋祁更正祁與鄭戩賈昌朝等重修丁度李淑典領之其字訓皆本說文至寶元二年

書成十卷賜名集韻

今韻原自禮部韻略宋太宗雍熙中詔  
殿中丞邱雍取唐韻中舉子詩賦常用  
者別修禮部韻略至真宗景德中陳彭  
年晁迥戚綸等修定仁宗景祐中崇政  
殿說書賈昌朝建言限韻闕略致舉子  
詩賦誤用命知制誥丁度李淑直史館  
宋祁鄭戢國子直講王洙等刊定韻

者十三處、許附近通用、哲宗元祐中太  
學博士孫諤、蘇軾載加詳補、於是有申  
明續降補遺諸書、統謂之禮部韻、高宗  
紹興三十二年、衢州免解進士毛晃作  
增韻、自謂精力盡在此書、擬表欲進、未  
果、其子毛居正又重增之、孝宗紹熙三  
年、江北劉淵平水氏復修壬子新刊禮  
部韻略、始刪併唐韻之二百六部爲一



百七部而去聲證部亦誤刪焉。元至大三年陰時夫中太兄弟輯韻府羣玉又刪劉韻之平聲拯部爲一百六部。二十九年昭武黃公紹輯古今韻會武陽熊忠因之爲韻會舉要。自明以來通行之卽今韻是也。

梁沈約四聲類譜

上平聲一東二冬

東正冬副

三江偏傍从東冬

四支五微支正微副

六魚七虞魚副虞正

八齊九佳十灰齊佳文諸佳灰音近又齊副灰正佳正副混

十一真十二文真諸先文諸元

十三元十四寒元副寒正

十五刪下平聲一先刪正先副又刪正副混

二蕭三肴四豪蕭副豪正肴正副混

五歌

六麻

七陽

八庚九青

庚諧陽

十蒸

十一尤

十二侵

十三覃十四鹽十五咸

覃諧侵又覃正鹽副咸正副混

主聲一董二腫董正腫副

三講

四紙五尾

紙正尾副

六語七麌

語副麌正

八齊九蟹十賄

齊蟹文諧蟹賄音近又齊副賄正蟹正副混

十一軫十二吻

軫諧銑吻諸阮

十三阮十四旱

阮副旱正

十五潛十六銑

潛正銑副又潛正副混

十七

十八

十九

十七篠十八巧十九皓

篠副皓正  
巧正副混

二十舒

二十一馬

二十二養

諸梗

二十三梗二十四迴

梗諸養

二十五拯

二十六有

二十七寢

二十八感二十九

醴

三十踈

感諸寢又感  
正醴副踈正

醴

去聲一送二宋

送正  
宋副

三絳

四寘五未

寘正  
未副

六御七遇

御副  
遇正

八霽九泰十卦十一隊

霽副隊正  
卦正副

十二震十三問

震諸霽  
問諸願

十四願十五翰願副 翰正

十六諫十七霰諫正 霰副 又 諫正 副混

十八嘯十九效二十號嘯副 號正 效正 副混

二十一箇

二十二禡

二十三漾敬 諧

二十四敬二十五徑敬 諧 漾

二十六證

二十七宥

二十八沁

二十九勘三十豔三十一陷

勘正豔副陷正副混

八聲一屋二沃

屋正沃副

三覺

諧屋沃

四質五物

質諧屑物諧月

六月七曷

月副曷正

八黠九屑

黠正屑副又黠正副混



十藥

十一陌十二錫

陌諧藥

十三職十四緝

十五合十六葉十七洽

合正葉副  
洽正副混

沈韻上平聲十五部下平聲十五部上

聲三十部去聲三十一部入聲十七部

凡一百八部通雅謂沈韻上去各二十

九部未知所據也沈氏集古詩賦爲之

以時音別旁叶以古音分部居以字形  
定類從凡萬有一千五百二十字自謂  
在昔詞人累千歲而不悟獨得胸襟窮  
其妙旨入神之作蓋自負如此隋顏之  
推與修切韻者其家訓云崔子約崔瞻  
叔姪李祖仁兄弟頗事言詞少爲切正  
李季節音韻決疑時有錯失陽休之切  
韻殊爲疎野是品論諸韻家不及於沈

豈謂沈韻獨爲優耶。唐宋碩儒曾未異議。至元黃公紹始斥之爲吳音。周德清遂謂朋入蒸靴入戈車入麻打與等卦畫爲怪壞。皆駛舌音。然德清中原音韻便優伶之脣諧流俗之耳。原不足與論音也。

沈韻今亡。考沈約卒於梁天監十二年。而顧野王玉篇之成在大同十年。計在

沈後三十載其所用反切當無改竄若  
依玉篇切字定爲沈韻雖未盡合要勝  
於唐廣集韻之紛亂也遂初堂書目載  
有分韻玉篇今不傳

宋重修廣韻

一東獨用

二冬三鍾同用

冬正  
鍾副

四江獨用

五支六脂七之同用

支部協歌麻脂部協齊佳灰之部協尤

八微獨用

九魚獨用

十虞十一模同用

虞副模正

十二齊獨用

十三佳十四皆同用

分部未詳

十五灰十六咍同用

灰合咍關韻譜咍作關

十七真十八諄十九臻同用

真臻開諄合真臻分部未

詳

二十文獨用今廣韻禮部韻文欣同用

二十一殷獨用宋避宣祖諱殷改欣

二十二元二十三魂二十四痕同用元部協寒

魂痕協文  
魂開痕合

二十五寒二十六桓同用寒開桓合宋避欽宗諱桓改歡

二十七刪二十八山同用分部未詳

一先二仙同用先協真仙協元寒山又韻譜分仙宣二部仙開宣合

二十八嚴二十九凡同用

鹽

銜凡  
同用

一董獨用

二腫獨用

三講獨用

四紙五旨六止同用  
上去分部  
與平聲同

七尾獨用

八語獨用

十五青獨用

十六蒸十七登同用

蒸副登正

十八尤十九侯二十幽同用

尤部協之幽部協蕭豪侯

部協虞模又尤幽副侯正

二十一侵獨用

二十二覃二十三談同用

覃協侵談協鹽咸

二十四鹽二十五添同用

分部未詳

二十六咸二十七銜同用

分部未詳



九麋十姥同用

韻譜麋作  
嘆姥作恭

十一齊獨用

十二蟹十三駭同用

十四賄十五海同用

十六軫十七準同用

十八叻獨用

今廣韻禮部  
韻叻隱同用

十九隱獨用

二十阮二十一混二十二很同用

二十三旱二十四緩同用

二十五潛二十六產同用

韻譜潛作緝

二十七銑二十八獮同用

二十九篠三十小同用

三十一巧獨用

三十二皓獨用

韻譜皓作顯

三十三哿三十四果同用

三十五馬獨用

三十六養三十七蕩同用

三十八梗三十九耿四十靜同用

四十一迴獨用

四十二拯四十三等同用

四十四有四十五厚四十六黝同用

四十七寢獨用

四十八感四十九敢同用

五十澁五十一忝同用

今廣韻禮部韻澁  
忝儼同用鎌檻范

同用

五十二賺五十三檻同用

韻譜賺作湛

五十四儼五十五范同用

韻譜儼作六

一送獨用

二宋三用同用

四絳獨用

五真六至七志同用

八未獨用

九御獨用

十遇十一暮同用

十二霽十三祭同用

分部未詳

十四泰獨用

十五卦十六怪十七夬同用

分部未詳

十八隊十九代同用

隊合代開

二十廢獨用

禮部隊代廢同用

二十一震二十二琇同用

韻譜琇作琇

二十三問獨用

禮部問  
焮同用

二十四焮獨用

韻譜焮  
作新

二十五願二十六愿二十七恨同用

禮部  
愿作

困

二十八翰二十九換同用

三十諫三十一禰同用

三十二霰三十三線同用

三十四嘯三十五笑同用

韻譜笑  
作肖

三十六效獨用

三十七號獨用

三十八箇三十九過同用

四十禍獨用

四十一漾四十二宕同用

四十三映四十四諍四十五勁同用

禮部  
映作

四十六徑獨用

四十七證四十八嶝同用

四十九宥五十候五十一幼同用

五十二沁獨用

五十三勘五十四闕同用

五十五豔五十六捺同用  
今廣韻禮部韻  
豔捺醯同用陷

鑑泛  
同用

五十七陷五十八鑑同用

五十九醯六十泛同用  
韻譜泛  
作梵



一屋獨用

二沃三燭同用

四覺獨用

五質六術七櫛同用

八物獨用

禮部物  
作勿

九迄獨用

十月十一沒同用

十二曷十三末同用

十四黠十五鐸同用

十六屑十七薛同用

十八藥十九鐸同用

二十陌二十一麥二十二昔同用

二十三錫獨用

二十四職二十五德同用

二十六緝獨用

二十七合二十八盍同用

二十九葉三十帖同用

禮部葉帖業同用洽狎乏同用

三十一洽三十二狎同用

三十三業三十四乏同用

韻譜之作法

李涪曰後魏李啟撰聲韻十卷夏侯詒

撰四聲韻略十二卷至陸法言採諸家

纂述而爲己有原其著述之初士人尙

多專業經史精鍊罕有不述之文故切

韻未爲時人之所急後代學問日淺尤

少專經或含四聲則秉筆多礙自爾遂  
爲切要之具然吳音乖舛不已甚乎法  
言平聲東農非韻上聲董動非韻去聲  
送種非韻入聲屋燭非韻又恨怨之恨  
上聲恨戾之恨去聲言辨之辨上聲冠  
弁之弁去聲舅甥之舅上聲故舊之舊  
去聲皓白之皓上聲號令之號去聲又  
恐字苦字俱去聲今依之以上聲呼恨

去聲呼恐與苦得不爲有識者所笑乎  
蘇鶚曰隋開皇初儀同劉臻等八人詣  
法言論音韻云吳楚則傷輕淺燕趙則  
傷重濁秦隴則去聲爲入梁益則平聲  
似去此蓋研窮正聲削去紕繆也豈獨  
取方言鄉音而已哉洎孫愐二十餘家  
皆以法言爲首出薛道衡隋朝碩儒與  
法言同時嘗與論音韻豈吳越之音能

服四方名人乎蓋陸氏本江南大姓人  
皆以法言爲士龍士衡之族此大誤也  
法言代北部落號步陸孤氏後魏改陸  
氏從遷都洛陽以洛陽爲郡望後魏征  
西將軍東平王陸俟生驍黃門侍郎驍  
孫爽隋中書舍人生法言正言法言承  
奉郎正言承務郎

楊慎曰陸氏亦本先儒觀其注云徐邈

讀鄭司農讀劉昌宗讀示不敢臆說也  
如越席之越音活華而腕之華音滑隆  
準之準音拙假借之假音嫁牢愁之愁  
音曹玉鸞歔歔之歔音鋏皆有證據  
陸法言切韻五卷宋史載之隋書不載  
唐書稱陸慈切韻或卽其人而隋書及  
蘇鶚不云名慈也又隋書稱陸爽魏郡  
臨漳人祖順宗魏南青州刺史父槩之

齊霍州刺史與鶚不同又漢蕭何傳不言律令隋陸法言傳不言切韻唐李邕傳不言筆札五代劉昫傳不言修史並史家闕典

陸法言分部之說未有明例劉臻顏之推所與同修切韻者臻之言曰支脂魚虞共爲一韻先仙尤侯俱論是切欲廣文路自可清濁皆通若賞知音卽須輕



重有別所謂清濁輕重者大概言之非  
必其所以分也今廣韻有四聲輕清重  
濁法如云朱清送濁旨清止濁至清志  
濁仙清先濁清清青濁似其分部之例  
然又清直清真濁椿清春濁未嘗不同  
部也殂後人妄爲之顏之推家訓最析  
如云莒矩必不同音則莒在語部矩在  
虞部也如云北人以庶爲戍以如爲儒

以紫爲姊以狎爲治兩失甚多則庶在  
御部戌在遇部如在魚部儒在虞部紫  
在紙部如在旨部狎在入聲第三十三  
部洽在入聲第三十二部也如云蒼頡  
反娃爲於乖國策音勿爲免穆天子傳  
音諫爲閒說文音夏爲棘則娃在佳部  
乖在皆部勿在吻部免在獮部諫在諫  
部閒在禰部夏在黠部棘在職部也如

云成仍宏登合成兩韻爲奇益石分作  
四章必須考校則成在清部仍在蒸部  
宏在耕部登在登部爲奇在支部益石  
在支部也分部如此其嚴蓋亦詳考前  
人反切牽連比附而得之後人傳寫全  
不究理如家訓云璵璠當音餘煩江南  
音藩屏之藩岐山當音奇江南呼神祇  
之祇而今璠藩同爲附哀切岐祇同爲

巨支切。顏氏豈肯自亂其例乎。然則今之偏傍錯亂者，皆孫愐以後傳寫之謬也。王南賓嘗考諸家加字本刪之，謂籀居沼切之沼，當爲洎，斬入其音，鎮入夷音，不可爲切，其微焉者爾。

異文可存也，異音不可存也。蓋自科斗變而篆籀，又變而隸楷，形象互異，皆有白來。又有若揚雄之奇字，孫休之名子。

二王之楷法、武后之國書、以及陋儒杜撰、梵僧二合、隨時而興、千態萬狀、於是有古文有本文、有正文有俗文、有假借之文、玉篇篇海之書、專爲鳩集字形、不得不兼收併蓄、用惠博雅之士、雖蕭子雲之五十二家、不合本體、王南賓之三、百六十體、多失部居、存之不譏、龐雜也、若夫音韻、則當定於一尊、以示法守、乃

廣集諸韻以多爲貴如厭字也一在鹽部於鹽切二在濫部於濫切三在感部烏感切四在豔部於豔切五在葉部於葉切六在緝部乙及切七在狎部乙甲切考之玉篇則於冉於葉於豔三切而已如敦字也一在魂部都昆切二在魂部他昆切三在魂部徒渾切四在桓部徒官切五在準部杜本切六在準部主

尹切七在困部都困切八在灰部都回切九在隊部都內切十在蕭部丁聊切十一在皓部杜皓切十二在號部大到切十三在尤部陳畱切考之玉篇則都昆一切而已又除耕切別一字也如數字也一爽主切二爽阻切三雙遇切四色角切五適玉切六所黠切七所六切俱屬審母八蘇各切九聳取切俱屬心

母十仕角切又屬狀母考之玉篇則所  
屢所縷二切而已其理未嘗不包括也  
夫譌傳借用不作正音南土北方難爲  
典要卽或博加援引僅當列於旁參其  
有動靜異宜如善善惡惡之類理有別  
屬如矜矜莫莫之倫固當竝存亦有正  
轉乃至理可相通及并無別詮者亦隨  
俗分切將使謹守者惶惑而無主放佚



者信口而成聲則韻學安得爲適用之書哉

東獨用冬鍾同用未知所始而廣韻集韻禮部韻皆載之疑唐詩以沈韻入注故唐詩皆與同用者合而古今相傳亦以合併之韻爲沈韻但禮部韻始於雍熙而景祐中猶止通用十三處豈禮部韻目沿廣韻之目舉子詩賦仍未敢踰

越耶考唐人試帖又皆同用何也

宋太宗時邱雍眞宗時陳彭年晁迥戚  
綸條貢舉事取字林韻集韻略字統三  
蒼爾雅爲禮部韻略其後孫諤黃啟宗  
毛晃張貴謨黃子厚將全甫楊伯崑補  
之皆二百六部東齋紀事乃謂禮部韻  
略一百八部不知禮部據同用者爲一  
百八部耳熊忠謂劉淵始併通用之例

以省重複

古今韻部多寡之數沈韻一百八部唐  
韻二百六部仙女吳彩鸞手書唐韻二  
百九十五部五音集韻一百六十部劉  
淵韻一百七部陰時夫韻府一百六部  
洪武正韻七十六部郭正域韻經一百  
一十六部古今韻字多寡之數沈韻一  
萬一千五百二十字老上唐韻四萬二

千三百八十三字

據孫愔

廣韻二萬六千

二百九十四字

據王

集韻五萬三千五

百二十五字禮部韻略九千五百九十

字申明續降增一百八十三字

據韻會

毛

晃增二千六百五十五字

據見表

劉淵增

四百三十六字

據韻會

黃公紹韻增六百

七十六字共一萬二千六百五十二字

據韻會

陰時夫韻八千八百二十字

後漢婆羅門十四字貫一切音曰阿佚翁  
烏熈哀醫因安昏諳謳阿

此取影喻二母平聲字爲韻首是時中  
韻未出相符合焉但隋書載婆羅門書  
一卷世無傳本惟方以智通雅載之未  
知何據

等韻十二攝曰迎結岡庚祓高該傀根干  
鉤歌

此取見母平聲字爲韻首其疏分迦結  
二攝而東冬庚青蒸併入庚韻與中韻  
異

邵康節皇極經世二十八聲曰外轉十四  
多良干刁妻宮心開丁安牛牙魚男內轉  
十四木光元毛衰龍尋回君灣侯瓜烏羆  
外轉當是開口音而宮魚仍是合口內  
轉當是合口音而毛尋侯羆仍是開口

韻按前音魚開

口尋卷合口

朱子十三韻曰，綳鋪陂牌賓崩波巴邦包，  
裏鞭班。

此取邦滂母平聲字爲韻首，蓋本鄭樵  
沈括以唇音爲宮也。柴廣進謂黎美周  
所藏許遠所抄，皆此譜。

劉鑑指南十六攝曰，內韻通正遇果宕會  
流深外韻注蟹臻山効假梗咸。

此法本諸溫公之指掌圖及鄭泐際之  
七音略其論韻有廣狹通偏之分廣門  
梗蟹山効狹門果假咸深流通門止臻  
偏門曾通過江宕然流韻非狹遇韻宕  
韻非偏其內外又非晉灼內言之理劉  
鑑玉鑰匙解不明析未知何取

周德清中原音十九門曰一東鍾二江陽  
三支思四微齊五魚模六皆來七真文八



寒山九桓歡十先庚十一蕭豪十二歌戈  
十三家麻十四車遮十五庚青十六尤侯  
十七侵尋十八鹽咸十九廉纖

周氏韻爲詞曲設主於諧俗綴連相分  
韻

洪武正韻七十六部曰平聲一東二支三  
齊四魚五模六皆七灰八真九寒十刪十  
一先十二蕭十三支十四歌十五麻十六

遮十七陽十八庚十九尤二十侵二十一  
覃二十二鹽上聲一輩二紙三齊四語五  
姥六解七賄八軫九旱十產十一銑十二  
篠十三巧十四哿十五馬十六者十七養  
十八梗十九有二十寢二十一感二十二  
盩去聲一送二寘三霽四御五暮六泰七  
隊八震九翰十諫十一霰十二嘯十三效  
十四箇十五禡十六焦十七漾十八敬十

九省二十沁二十一勘二十二豔八聲二  
屋二質三曷四轄五屑六藥七陌八緝九  
合十葉

吾鄉郝仲興先生五音譜十二韻曰同遲  
危虞孩真田調摩邪強求

新安切譜四十四圖曰公岡驕基居弓庚  
根京巾金簪鈎局視光觥江規姑賢飛該  
皆瓜嘉挈迦沲歌戈官涓干堅兼關監甘

音義  
卷之二十一  
三  
艱高交鉤鳩

新安不審正副謬分部居是以列字多訛又開台齊齒撮口之外別有混呼一門未審於五音何屬

李嘉紹四切四十二韻曰公輩庚京肱絅  
棍君根巾金光性岡姜規居孤基乖該皆  
瓜加闕結戈歌官涓干堅兼關閒甘監高  
交驕鉤鳩

謬與新安同

馬節菴等音十三韻曰光官公棍高乖鉤  
規鍋國孤骨瓜

國卽麻韻中之奢寫借也骨卽支韻也  
其中微喻疑三母相混角徵二音相混  
又以陽平爲全聲居入聲後是未知入  
聲拗轉居後之理

樊凌虛五方元音十一韻曰天人龍羊牛

獒虎駝蛇馬豺地

樊氏字母出入與馬氏同外又自撰二十母以鳥爲泥母雜出方言

沈法矜詞韻十九部曰一東董二江講三支紙四魚語五街蟹六真軫七元阮八蕭篠九歌哿十佳馬十一庚梗十二尤有十三侵寢十四覃感十五屋沃十六覺藥十七質陌十八物月十九合洽

佳字入麻蒸韻入庚質陌通協覺藥合  
押其戾古也甚矣。去矜考據古詞爲之  
毛稚黃已駁之矣。稚黃嘗于去矜韻內  
附注數條爲南曲正韻。又明吳人范善  
濤撰中州全韻。臞仙撰瓊林雅韻。皆爲  
詞曲而設。然詞曲近合時吻。本不可以  
詩韻韻之。中原音韻供武正韻儘可依  
用。無庸瑣瑣更改也。

四聲

古人本無四聲、佩觿集謂始於譬況也、  
齊永明中、盛爲文章、吳興沈約、陳郡謝  
朓、琅瑯王融、以氣類相雜、汝南周顒、善  
識聲韻、始著四聲切韻、沈約亦撰四聲  
譜、爲文皆用宮商、以平上去入爲四聲、  
有平頭上尾蜂腰鶴膝、五字之中、音韻  
悉異、兩句之內、角徵不同、世號永明體、



梁武帝雅不好焉以問護軍將軍周捨捨對曰天子聖哲是也於是張諒劉善經夏侯詠王斌竝有四聲隋唐以來遵而行之顧寧人謂沈約自作冠子辭讀化爲平高士贊讀緇爲去正陽堂宴費凱旋詩讀傳爲上是約不拘四聲也

前十七部有八聲

東董送屋 冬腫宋沃 江講絳覺

眞軫震質

文吻問物

元阮願月

寒旱翰曷

刪潛諫黠

先銑霰屑

陽養漾藥

庚梗映陌

青迥徑錫

蒸拯證職

侵寢沁緝

覃感勘合

鹽豔豔葉

咸賺陷恰

後十三部無入聲

支旨寘

微尾未

齊齋霽

佳蟹泰

灰賄隊

魚語御

庚庚遇

蕭篠嘯

肴巧效

蒙皓號

歌哿箇

麻馬禡

尤有宥

元和韻譜曰平聲哀而安上聲厲而舉

去聲清而遠入聲直而促

平生去入雖起於齊梁竇天地自然之音不可移易古人聲無成格時或兼通顧寧人謂一字之中自有平生去入其

所撰詩本音以四聲通協毛西河謂平  
上去三聲通協去入二聲通協西河之  
論卓矣然以爲協韻則可以爲正音則  
不可也詞曲家嚴上去而混入聲則亂  
音之尤者

韻有上平聲下平聲俗謂上平陽下平  
陰非也丁度集韻作平上平下吳彩鸞  
唐韻作二十三先二十四仙魏了翁所

見廣韻作三十先三十一仙五音集韻  
作上平聲中平聲下平聲熊忠曰平聲  
本無上下之分舊以字繁釐卷爲二宋  
丁翰林作集韻始以平聲上平聲下爲  
卷耳徐景安謂官爲上平商爲下平程  
元初謂上平聲氣從𠂔上出下平聲氣  
從舌上出七音韻鑑謂上平以東爲首  
言先輩傳後輩竝非

周德清謂東冬江陽真文元寒刪先尤  
侵覃鹽咸十五部無入聲偏用順紐爲  
詞曲也章道常謂支微魚虞齊佳灰蕭  
肴豪歌麻尤十三部無入聲偏用拗紐  
據沈韻也劉鑑謂有入聲者九攝通宕  
曾深咸江梗臻山又止攝入聲見於臻  
通攝流攝入聲見於通蟹攝一二入聲  
見於山三四入聲見於臻效攝一三四

入聲見於宕二等入聲見於江果攝入  
聲見於宕假攝入聲見於山兼用順拗  
二紐主全通也惟沈韻屋沃覺爲東冬  
江之入質物月曷黠屑爲真文元寒刪  
之入藥陌錫爲陽庚青之入職爲蒸之  
入緝合葉洽爲侵覃鹽咸之入雖與通  
協不合最爲整齊

入聲等第圖四攝曰胎哲韋職指南七

攝曰各格、祇、穀、葛、閣、訖、正韻十部曰物、質、曷、鐸、屑、藥、陌、緝、合、葉、集成八韻曰屋、沃爲一韻、覺爲一韻、質、物爲一韻、月、曷、黠、屑爲一韻、藥、陌、錫爲一韻、職爲一韻、緝爲一韻、洽、合、葉爲一韻、

通協

詩莫盛於周三百篇中、隨口謳咏、原無韻書、閒雜方音、不暇持擇、然而天籟所



發無心自合、若有一定之程度焉、時移地異、聲牙漸多、魏李登始一束之於聲類、而沈約準之以四聲、然且出入離合、至今不強人意、而爲詬病也、漢書子虛賦下屬江河、晉灼注曰、假借協陀之韻、顏師古讀漢書、有不協者、注曰、合韻音某、宋吳才老始斷然有協韻之作、

### 合口正副音二部

東冬

通江轉

魚虞

通

董腫

通講轉

語麌

通

送宋

通絳轉

御遇

通

屋沃

通覺轉

開口正副音二部

蒸侵

通覃鹽咸轉

蕭肴豪

通尤轉

拯寢

通感豔賺轉

篠巧皓

通有轉

證沁

通勘豔陷轉

嘯效號

通有轉

職緝

通

合葉洽

轉

開合正副音四部

陽庚青

轉

歌麻

轉

養梗迥

轉

舒馬

轉

漾映徑

轉

箇禡

轉

藥陌錫

轉

真文

通

元寒刪先

轉

支微

通

齊佳灰

轉

軫吻

通

阮旱潛銑

轉

紙尾

通

齊蟹賄

轉

震問

通

願翰諫嚴

轉

寅未

通

齊泰卦隊

轉

質物

通

月曷轄屑

轉

吳才老音韻補十四部曰中通天人亨陽  
知來無多道咎寒還

程沙隨謂韻補一書其說雖多不過四  
聲互用切響同用而已竊謂八協平生  
者甚少去入之協沈韻又兩處竝載且  
入聲皆拗本不可以四聲互也惟毛西

河定三聲爲不易之論若切響法往往  
有出入藥協芳無切音敷則葉匣母敷  
敷母也富協渠記切音忌則富非母忌  
郡母也麥協訖力切瘁協似醉切誦協  
牆容切狩協尺救切俱與切響異蛇音  
移虹音降茄音荷洒音璀不可枚舉  
朱子詩集傳多採韻補亦時有不同者  
精陟略切鮮想止切哲征例切紐女古

切彭普郎切報蒲救切皆韻補所無朱  
子嘗謂協韻乃吳才老所作某續添之  
也然徐藏韻補序云才老增損定本當  
時已亡矣

陳直齋曰讀古書古韻但當隨其聲之  
協而讀之若來之爲釐慶之爲羌馬之  
爲姥聲韻全別不容不改苟音韻相近  
可以協讀何必改字如燭字必作汾沔

切官字必作俱云切則贅矣

楊用修曰吳才老勞協音高、顏協魚堅反、  
反民協眉貧反、驕協音高、顏協魚堅反、  
奔協通民反、皆改古音以就沈韻古韻  
寬緩如字可協、何用勞唇、胎費簡冊、沈  
四聲之分、在齊梁閒、成周之世、豈知有  
沈韻哉

陳季立曰、歷數彖象、行四十四、明一十

七慶一十二無不同音、當二十七皆讀平聲、其爲古音無疑、注詩者曰協、夫後世淮西碑、聖德頌、閒用協音、以慕古耳、孔子何慕焉、贊易無正音、而一取諸協、胡爲者也、以今之讀爲正、以古之正爲協、是楷書爲正字、篆隸摹楷而作矣、  
廖文英曰、世傳九經韻覽、王肅陶宏景晁說之諸人、讀易皆協韻、新安朱子據



吳棫補韻協四詩、未嘗明指易協之誤、  
陳第毛詩屈宋古音考、楊慎轉注古音、  
及字彙所載瓊林雅韻、引易協韻者頗  
眾、然四詩與樂律通、被之管絃、登之廊  
廟、聲音自然、非變音諧韻、不可耳、易書  
語孟、宜正音、不宜盡限韻、卽如吳棫書、  
自言尙書賡歌、五子歌、皆韻、易彖小象  
雜卦、皆韻、爻辭不韻、毛詩風雅商魯、頌

皆韻、周頌不韻、周禮量銘、祭侯文皆韻、  
左國繇詞歌謠皆韻、戰國策六韜三略、  
閒有韻語、據吳氏此說、諸經非盡用韻、  
明矣、雖頌與風雅同類、宜韻者亦不韻、  
讀經何必強協之乎、釋名白虎通、依聲  
寓理、雖似協韻、然理廣則聲不能兼、聲  
拘則理從而窒、依者近似亂真、寓者失  
全得半、皆不可爲典要、諸家因近似之

音盡改本文之音以求協不知古聖賢  
大言垂訓辭近自遠前用宜民非沾沾  
求合七音四聲如後之騷賦樂府音諧  
韻叶而後快也

沈重讀南泥心切徐邈讀沃鬱縛切顏  
之推讀牘而成切敬吉躍切皆協音也  
陸德明謂古人韻緩不煩改字陳季立  
謂今所稱協皆古人本音定爲本證旁

證二例、本證者毛詩、傍證者秦漢而下、  
詩賦、且曰毛詩之韻、不可一律齊、蓋觸  
物以摠思、本情以敷詞、從容管節之中、  
宛轉宮商之外、如清漢浮雲、隨風聚散、  
衆山流水、依坎推移、可謂善於言韻者  
矣、思謂立通轉之法、粗便屑吻、轉失理  
趣、古人韻無成書、任情而謳、自成天籟、  
既有聲韻以後、縱恣見誚矣、邈世之才、

或出奇而爲之無其才者蕩也

顧寧人古音表十部曰第一東冬江第二支微齊佳灰尤第三魚虞侯第四真文元寒刪先第五蕭爻豪尤幽第六歌麻支第七陽庚第八庚耕清第九蒸第十侵覃鹽咸

寧人本孫恂之書於支脂之外別分支爲二部於庚耕清外別分庚爲二部於

尤侯幽外別分尤爲二部、最爲精確、古今善韻者獨寧人耳、

毛西河古今通韻韻學要指兩界曰東冬江陽庚青蒸侵覃鹽咸眞文元寒刪先十七部有入聲者相協爲一界、支微齊魚虞佳灰蕭肴豪歌流尤十三部無入聲者相協爲一界、

西河謂有入十七部相協、無入十三部

相協充其說則入聲竟不分韻而關雎  
之榮流女求文王之上天邦新顯降皆  
可通協矣又謂兩界絕不相通以今考  
之音協偏傍時有通者其協通則同與  
調協毛詩戎與務祖父協詩幡與翰協  
易西與泉協漢樂西與憐協趙壹等與  
子協韓衣與汶塵協楚曼與娛舒協楚  
旂與軍協左訊與萃協詩其音通則遇

音容漢志賁音肥漢志蟬音提漢志氏

音精漢志鳥音晏漢志夷漢志舉

音頌漢志顏音崖漢志暹音圖淮南倪

音研莊子洗音銑漢志央音容漢志沂

音銀爾雅斯音鮮詩有免漢書

音純音緇綱音圭說文敦音坻詩敦

敦音雕詩敦匪音分周禮扶音蟠淮南

桓音和尚書獻音娑明堂位魁音耜禮



其偏傍通則沂所从斤輝揮从軍敏澈  
从每播礪从番儼从難洗从先賓从寅  
驪緡从單其音理並通則能與耐相與  
胥鳥與焉其字兩音則寅音腴又音夷  
龜音規又音中難音難又音儼繁音煩  
又音婆蓋博雅之家貴知所擇也